

NOVI TEKST
NACRT

Na osnovu člana IV 4. a) Ustava Bosne i Hercegovine Parlamentarna skupština Bosne i Hercegovine, na _____ sjednici Predstavničkog doma, održanoj ____ 2024. godine, i _____ sjednici Doma naroda, održanoj _____ 2024. godine, usvojila je

ZAKON
O SUDU BOSNE I HERCEGOVINE

DIO PRVI – OPĆE ODREDBE

Član 1.
(Predmet)

Ovim zakonom uređuju se kontinuitet postojanja Suda Bosne i Hercegovine, osnivanje Apelacionog odjeljenja Suda Bosne i Hercegovine kao drugostepene instance, nadležnost, unutrašnja organizacija, javnost rada, finansiranje i druga pitanja od značaja za organizaciju i funkcioniranje Suda Bosne i Hercegovine i Apelacionog odjeljenja Suda Bosne i Hercegovine.

Član 2.
(Sudska vlast na nivou Bosne i Hercegovine)

(1) Sudsku vlast na nivou Bosne i Hercegovine vrše Sud Bosne i Hercegovine (u dalnjem tekstu: Sud) i Apelaciono odjeljenje Suda Bosne i Hercegovine (u dalnjem tekstu: Apelaciono odjeljenje Suda).

(2) Sud je nadležan da sudi u prvom, a Apelaciono odjeljenje Suda sudi u drugom stepenu i odlučuju o drugim pitanjima propisanim ovim zakonom.

(3) Sud i Apelaciono odjeljenje Suda osnivaju se i ukidaju zakonom.

Član 3.
(Sjedište i pečat)

(1) Sjedište Suda je u Sarajevu

(2) Parlamentarna skupština Bosne i Hercegovine će najkasnije u roku od jedne godine od dana stupanja na snagu ovog zakona donijeti izmjene i dopune ovog zakona kojim će se odrediti sjedište Apelacijskog odjeljenja Suda, koje ne može biti u istom entitetu u kome je sjedište Suda.

(3) Do donošenja odluke Parlamentarne skupštine iz stava (2) ovog člana, sjedište Apelacionog odjeljenja Suda privremeno će biti u Sarajevu.

(4) Sud i Apelaciono odjeljenje Suda imaju svoj pečat u skladu sa Zakonom o pečatu institucija Bosne i Hercegovine („Službeni glasnik BiH“, br. 12/98, 14/03 i 62/11).

(5) Na zgradi u kojoj je smješten Sud, zgradi u kojoj je smješteno Apelaciono odjeljenje Suda moraju biti istaknuti naziv, grb i zastava Bosne i Hercegovine.

Član 4.

(Rodna ravnopravnost)

Izrazi koji su u ovom zakonu radi preglednosti dati u jednom gramatičkom rodu bez diskriminacije se odnose i na muški i na ženski rod.

DIO DRUGI – OSNOVNI PRINCIPI NA KOJIMA SE ZASNIVA RAD

Član 5.

(Sastav i broj sudija)

(1) Ukupan broj sudija u Sudu i Apelacionom odjeljenju Suda utvrđuje Visoko sudska i tužilačko vijeće Bosne i Hercegovine (u dalnjem tekstu: Visoko sudska i tužilačko vijeće).

(2) Sastav Suda i Apelacionog odjeljenja Suda odražava različitost naroda Bosne i Hercegovine u smislu etničkog, spolnog i drugog sastava.

Član 6.

(Nezavisnost)

(1) Sudija samostalno i nezavisno izvršava svoje dužnosti i odluke donosi u skladu sa zakonom i ličnim tumačenjem činjenica, poštujući ljudska prava i jednakost stranaka pred Sudom, čuvajući lični autoritet i dostojanstvo suda bez bilo kakvih ograničenja, neprimjereno uticaja, pritiska, direktnih ili indirektnih prijetnji bilo kojih organa, uključujući i organe unutar sudskega sistema.

(2) Zabranjen je svaki oblik uticaja na donošenje sudske odluke, kao i na tok i ishod sudskega postupka, a posebno svaki oblik prisile prema sudijama, zloupotreba javnih ovlaštenja i ličnog uticaja ili bilo kakvog neprimjereno ponašanja koje može ugroziti nezavisnost pravosuđa.

Član 7.

(Odgovornost)

Sudije su dužne u predmetima koji su im dodijeljeni u rad štititi prava i slobode svih lica jednako, poštujući njihovo dostojanstvo tokom vodenja sudskega postupka, tako da strankama osiguraju pravično sudenje unutar razumnog roka.

Član 8.

(Imunitet)

(1) Sudije imaju imunitet u skladu sa Zakonom o Visokom sudskom i tužilačkom vijeću Bosne i Hercegovine.

(2) Za štetu koju strankama u vršenju službene dužnosti učine sudije, odgovara Bosna i Hercegovina.

Član 9. (Zaštita prava)

Sud i Apelaciono vijeće Suda štite prava i slobode zagarantovane Ustavom Bosne i Hercegovine i zakonima Bosne i Hercegovine, te u svom radu osiguravaju pravično suđenje, jednaku primjenu zakona, ravnopravnost i jednakost svih građana pred zakonom.

Član 10. (Preispitivanje sudskega odluka)

Odluku Suda može preispitati, mijenjati i ukidati Apelaciono odjeljenje Suda u povodu pravnih lijekova u postupku koji je propisan zakonom.

Član 11. (Javnost)

(1) Rad Suda i Apelacionog odjeljenja Suda je javan.

(2) Javnost rada osigurava se javnim raspravljanjem pred Sudom i Apelacionim odjeljenjem Suda, objavljinjem sastava Suda i Apelacionog odjeljenja Suda, davanjem obavijesti javnosti o toku sudskega postupka pod uslovima propisanim zakonom i objavljinjem sudskega odluka i drugih informacija od interesa za javnost.

(3) Princip javnosti rada kao i slučajevi isključenja javnosti propisani su procesnim zakonima koji se u postupku primjenjuju.

Član 12. (Službeni jezici)

(1) U postupku pred Sudom i Apelacionim odjeljenjem Suda, u obraćanju sa strankama u upotrebi su bosanski, srpski i hrvatski jezik, te latinično i cirilično pismo.

(2) Sud i Apelaciono odjeljenje Suda vode postupak i donose odluke na jeziku i pismu kojim se služi sudija u postupku ili jeziku koji odredi predsjednik vijeća.

(3) Sud i Apelaciono odjeljenje Suda može na zahtjev stranke osigurati prevod na ročištu ili prevod odluke na jezik kojim se stranka služi u postupku, i to u krivičnom postupku na trošak Suda, odnosno Apelacionog odjeljenja Suda, a u ostalim postupcima na trošak stranke.

Član 13. (Sudijska toga i službena legitimacija)

(1) Sudije u toku javnog dijela suđenja i prilikom javnog objavljivanja odluka nose sudsiju togu.

(2) Visoko sudska i tužilačko vijeće posebnim pravilnikom određuje izgled sudske toge.

(3) Visoko sudska i tužilačko vijeće propisuje obrasce i izgled službene legitimacije, a izdaje ih Ministarstvo pravde Bosne i Hercegovine (u dalnjem tekstu: Ministarstvo pravde).

Član 14.

(Oznake pripadnosti)

(1) Sudije za vrijeme vršenja službene i sudske dužnosti ne smiju isticati bilo kakve oznake ni sadržaje vjerske, političke, nacionalne ili druge pripadnosti niti smiju preduzimati bilo kakve radnje koje uključuju molitvu ili vjerske geste ili izraze.

(2) Predsjednik Suda i predsjednik Apelacionog odjeljenja Suda će posebnim pravilnikom propisati pravila ponašanja i odijevanja za zaposlene i stranke u skladu sa stavom (1) ovog člana.

Član 15.

(Saradnja i pravna pomoć)

(1) Sud, Apelaciono odjeljenje Suda i drugi sudovi u Bosni i Hercegovini će saradivati međusobno, kao i s drugim organima u Bosni i Hercegovini i stranim sudovima u skladu s procesnim zakonima.

(2) U predmetima iz svoje nadležnosti Sud i Apelaciono odjeljenje Suda pružaju pravnu pomoć drugim sudovima u Bosni i Hercegovini i inostranstvu u skladu sa zakonom i međunarodnim sporazumom ili na osnovu principa reciprociteta.

(3) Sve institucije, organizacije, organi i tijela vlasti i pravna lica koja vrše javna ovlaštenja dužni su Sudu, odnosno Apelacionom odjeljenju Suda, na njihov zahtjev, blagovremeno dostaviti tražene spise, isprave i druge podatke, potrebne za vodenje određenog sudskega postupka.

DIO TREĆI – NADLEŽNOST SUDA I APELACIONOG ODJELJENJA SUDA

POGLAVLJE I – Nadležnosti Suda

Član 16.

(Krivična nadležnost)

(1) Sud je nadležan da u prvom stepenu sudi za krivična djela propisana Krivičnim zakonom Bosne i Hercegovine i drugim zakonima Bosne i Hercegovine.

(2) Sud je dalje nadležan za krivična djela propisana zakonima Federacije Bosne i Hercegovine, Republike Srpske i Brčko distrikta kada ta krivična djela ugrožavaju suverenitet, teritorijalni integritet, političku nezavisnost, državnu sigurnost i međunarodni subjektivitet Bosne i Hercegovine.

(3) Sud je nadležan i za krivična djela iz oblasti terorizma, trgovine ljudima i seksualnog iskorištavanja žena i djece, nezakonite trgovine drogom, nezakonite trgovine oružjem, pranja novca, korupcije, zaštite okoliša, krvotvorenja sredstava plaćanja, kompjuterskog i organiziranog kriminala propisana zakonima Federacije Bosne i Hercegovine, Republike Srpske i Brčko distrikta Bosne i Hercegovine (u dalnjem tekstu: Brčko distrikt):

- a) ako su djelimično ili u cijelosti počinjena na teritoriji dvaju entiteta, jednog ili dvaju entiteta i Brčko distrikta ili van teritorije Bosne i Hercegovine; ili
- b) ako su djelimično ili u cijelosti počinjena nezakonitim aktivnostima izvršenim zajedničkim djelovanjem kriminalnih grupa na teritoriji dvaju entiteta, jednog ili dvaju entiteta i Brčko distrikta ili van teritorije Bosne i Hercegovine; ili
- c) ako je izvršenjem tih krivičnih djela nastala šteta velikih razmjera za državu Bosnu i Hercegovinu; ili
- d) ako su ta krivična djela propisana medunarodnim ugovorima koje je ratificirala Bosna i Hercegovina.

(4) Sud je nadležan i da:

- a) odlučuje o pitanjima koja se tiču provođenja međunarodnih i međuentitetskih krivičnih propisa, uključujući i odnose s Interpolom i drugim međunarodnim policijskim organima, kao što su transfer osuđenih lica, izručenje i predaja lica koje druga država, odnosno međunarodni sud ili tribunal zahtijevaju od bilo kojeg organa na području Bosne i Hercegovine;
- b) odlučuje o ponavljanju krivičnog postupka okončanog pravosnažnom odlukom Suda u skladu sa Zakonom o krivičnom postupku Bosne i Hercegovine.

Član 17. (Građanska nadležnost)

Sud je nadležan da:

- a) rješava imovinske sporove između Bosne i Hercegovine i entiteta, između Bosne i Hercegovine i Brčko distrikta, između entiteta, između entiteta i Brčko distrikta i između institucija Bosne i Hercegovine koje vrše javna ovlaštenja;
- b) rješava imovinske sporove proistekle iz štete koja je nastala pri vršenju javnih ovlaštenja organa uprave Bosne i Hercegovine, drugih institucija Bosne i Hercegovine i službenih lica tih organa i institucija;
- c) provodi izvršni postupak svojih odluka i postupak obezbjedenja potraživanja;
- d) rješava i druge sporove ako je nadležnost Suda utvrđena zakonima Bosne i Hercegovine ili međunarodnim ugovorom.

Član 18. (Upravna nadležnost)

Sud je nadležan da:

- a) odlučuje o tužbama protiv konačnih upravnih akata, uključujući i upravnu šutnju, institucija Bosne i Hercegovine i njezinih organa, javnih agencija, javnih korporacija, institucija Brčko distrikta i drugih organizacija utvrđenih zakonom Bosne i Hercegovine, donesenih u vršenju javnih ovlaštenja;

- b) ocjenjuje zakonitost pojedinačnih i općih upravnih akata donesenih na osnovu zakona Bosne i Hercegovine, pri vršenju javnih dužnosti organa vlasti Bosne i Hercegovine iz tačke a) ovog člana, za koje zakonom nije predviđena sudska zaštita van upravnog spora;
- c) odlučuje o zahtjevima za zaštitu sloboda i prava zagarantovanih Ustavom Bosne i Hercegovine, ako su povrijedena konačnim pojedinačnim aktom ili radnjom službenog lica institucija Bosne i Hercegovine i njezinih organa, institucija Brčko distrikta i drugih organizacija utvrdenih zakonima Bosne i Hercegovine, donesenim u vršenju javnih ovlaštenja;
- d) odlučuje o ponavljanju postupka;
- e) rješava i druge sporove ako je nadležnost Suda propisana zakonima Bosne i Hercegovine ili međunarodnim ugovorom.

POGLAVLJE II – Nadležnosti Apelacionog odjeljenja Suda

Član 19.

(Stvarna nadležnost)

- (1) Apelaciono odjeljenje Suda je nadležno da odlučuje o:
 - a) redovnim pravnim lijekovima protiv odluka Suda;
 - b) pravnim lijekovima na odluke svojih vijeća, ako je to zakonom propisano;
 - c) vanrednim pravnim lijekovima protiv pravosnažnih odluka Suda, kada je to zakonom propisano.
- (2) Apelaciono odjeljenje Suda je nadležno i da:
 - a) odlučuje o žalbama protiv odluka Centralne izborne komisije Bosne i Hercegovine i u postupcima zbog sukoba interesa;
 - b) rješava sukob nadležnosti između sudova iz različitih entiteta, između sudova entiteta i Brčko distrikta, te između Suda i bilo kojeg drugog suda, protiv koje odluke nije dopuštena žalba;
 - c) rješava o prijedlogu za prenošenje nadležnosti sa Suda na drugi sud u entitetu ili Brčko distriktu, kada je iz stvarnih ili pravnih razloga spriječen da postupa Sud;
 - d) rješava o prijedlogu za prenošenje nadležnosti sa sudova Brčko distrikta na stvarno nadležni sud entiteta ili Suda, kada su iz stvarnih ili pravnih razloga spriječeni da postupaju sudovi Brčko distrikta;
 - e) rješava o prijedlogu za prenošenje nadležnosti sa sudova jednog entiteta na sud drugog entiteta ili Sud ili na sudove Brčko distrikta, kada su iz stvarnih ili pravnih razloga spriječeni da postupaju sudovi tog entiteta;
 - f) rješava u svim drugim predmetima kada je to propisano zakonom Bosne i Hercegovine ili međunarodnim ugovorom.

DIO ČETVRTI – UNUTRAŠNJA ORGANIZACIJA SUDA I APELACIONOG ODJELJENJA SUDA

POGLAVLJE I – Rukovodjenje i rad u sjednicama

Član 20. **(Predsjednik Suda)**

(1) Sud i Apelaciono odjeljenje Suda imaju svog predsjednika.

(2) Predsjednik Suda i predsjednik Apelacionog odjeljenja Suda je sudija koji uz sudijsku dužnost:

- a) predstavlja Sud, odnosno Apelaciono odjeljenje Suda pred državnim organima i organizacijama;
- b) imenuje sudije u različita odjeljenja i vijeća u skladu s poslovnikom o radu;
- c) ako se ne može primijeniti elektronski sistem za upravljanje predmetima, određuje zamjenu za sudiju u slučaju izuzeća sudije kako se odluči na općoj sjednici Suda, odnosno Apelacionog odjeljenja Suda;
- d) određuje datum opće i proširene sjednice;
- e) saziva i rukovodi radom opće i proširene sjednice Suda;
- f) izraduje i izvršava budžet Suda, odnosno Apelacionog odjeljenja Suda;
- g) organizira rad i rukovodi osobljem Suda, odnosno Apelacionog odjeljenja Suda;
- h) donosi podzakonske akte u skladu s ovim zakonom i interne akte u skladu s poslovnikom o radu Suda, odnosno Apelacionog odjeljenja Suda;
- i) druge poslove neophodne za unapredjenje organizacije rada.

(3) Predsjednik na općoj sjednici Suda, odnosno Apelacionog odjeljenja Suda predlaže godišnji plan rada koji se priprema na početku svake kalendarske godine.

(4) Predsjednik Suda može pojedine svoje nadležnosti prenijeti na sudiju, registrara ili glavnog sekretara Suda, odnosno Apelacionog odjeljenja Suda.

(5) Predsjednik Suda, odnosno Apelacionog odjeljenja Suda određuje sudiju koji će ga zamijeniti u njegovom odsustvu.

Član 21. **(Opća sjednica)**

(1) Opću sjednicu čine predsjednik i sve sudije Suda, a Opću sjednicu Apelacionog odjeljenja Suda čine predsjednik i sve sudije Apelacionog odjeljenja Suda.

(2) Opća sjednica, u skladu s principom sudske autonomije, odlučuje o svim pitanjima bitnim za funkciranje Suda, odnosno Apelacionog odjeljenja Suda, izuzev onih koji su ovim zakonom izričito stavljeni u nadležnost predsjednika ili drugog lica ili organa Suda, odnosno Apelacionog odjeljenja Suda.

(3) Opću sjednicu saziva predsjednik Suda, odnosno predsjednik Apelacionog odjeljenja Suda, a obavezno se saziva kada to zatraži sudska odjeljenje ili najmanje pet sudija.

(4) Općom sjednicom rukovodi predsjednik Suda, odnosno predsjednik Apelacionog odjeljenja Suda, a u slučaju odlučivanja o izuzeću predsjednika, opća sjednica će odrediti zamjenu u njenom vođenju.

(5) Na općoj sjednici se:

- a) usvaja poslovnik o radu Suda, odnosno Apelacionog odjeljenja Suda;
- b) usvaja godišnji plan rada;
- c) odlučuje o drugim važnim pitanjima.

(6) Za punovažnost odlučivanja u općoj sjednici potrebno je prisustvo najmanje dvije trećine sudija, a odluke se donose većinom glasova prisutnih sudija. Sudija se ne može suzdržati od glasanja, ali može izdvojiti mišljenje.

(7) Način rada opće sjednice ureduje se poslovnikom o radu.

Član 22.

(Proširena sjednica Apelacionog odjeljenja Suda)

(1) Apelaciono odjeljenje Suda može održati i proširenu sjednicu, koju čine predsjednik i sudije Apelacionog odjeljenja Suda, predsjednik Suda i predsjednici odjeljenja Suda.

(2) Na proširenoj sjednici razmatraju se aktuelna pitanja sudske prakse, analizira potreba za stručnim usavršavanjem sudija, stručnih saradnika, viših stručnih saradnika i stručnih savjetnika te obavljaju i drugi poslovi određeni zakonom.

(3) Za punovažnost odlučivanja u proširenoj sjednici potrebna je prisutnost najmanje dvije trećine sudija, a odluke se donose većinom glasova prisutnih sudija.

(4) Način rada proširene sjednice ureduje se poslovnikom o radu koji na prijedlog predsjednika Apelacionog odjeljenja Suda većinom glasova usvaja proširena sjednica.

Član 23.

(Kolegij predsjednika)

(1) Predsjednik Suda, odnosno predsjednik Apelacionog odjeljenja Suda po potrebi, a najmanje jednom u tri mjeseca, saziva kolegij koji čine predsjednik, predsjednici odjeljenja, registrar, a prema potrebi i drugo osoblje koje odredi predsjednik Suda, odnosno predsjednik Apelacionog odjeljenja Suda.

(2) Kolegij razmatra sva pitanja koja se odnose na obavljanje poslova iz djelokruga Suda, odnosno Apelacionog odjeljenja Suda, a naročito:

- a) ažurnost Suda, odnosno Apelacionog odjeljenja Suda i ostvarene rezultate godišnjeg plana rada u prethodnom periodu;
- b) stanje svakog sudskega referata po odjeljenjima;
- c) rad po prioritetnim predmetima;
- d) način unapredjenja rada, stručno usavršavanje sudija i ostalih zaposlenika;
- e) izvještaje o radu, kao i druga pitanja značajna za rad Suda, odnosno Apelacionog odjeljenja Suda predvidena poslovnikom o radu.

(3) Na osnovu analize i rezultata sa sjednice predsjednik može donijeti mjere za bolji i ažurniji rad Suda, odnosno Apelacionog odjeljenja Suda.

POGLAVLJE II – Sudska odjeljenja i odjeli

Član 24.

(Sudska odjeljenja)

(1) Radi odlučivanja o stvarima iz iste pravne oblasti, u Sudu i Apelacionom odjelenju Suda mogu se uspostaviti sudska odjeljenja:

- a) krivično odjelenje;
- b) gradansko odjelenje;
- c) upravno odjelenje.

(2) U Sudu se može osnovati i izvršno odjelenje Suda radi provođenja Zakona o izvršnom postupku pred Sudom Bosne i Hercegovine („Službeni glasnik BiH“, broj 18/03).

(3) Odjelenjem rukovodi predsjednik odjelenja kojeg, na prijedlog opće sjednice, imenuje i razrješava predsjednik Suda, odnosno predsjednik Apelacionog odjelenja Suda.

Član 25.

(Sjednice odjeljenja)

(1) Predsjednik odjelenja saziva i rukovodi sjednicom sudskog odjelenja.

(2) Na sjednicama sudskog odjelenja razmatraju se pitanja od interesa za rad i unapređenje metoda rada odjelenja, kao i ujednačavanje prakse po pravnim i drugim pitanjima odjelenja.

(3) Predsjednik Suda, odnosno predsjednik Apelacionog odjelenja Suda, kao i svaki sudija tog odjelenja, može inicirati održavanje sjednice sudskog odjelenja u vezi s pravilnom primjenom zakona i zauzimanjem pravnih shvatanja.

Član 26.

(Odjeli)

(1) U sastavu odjelenja Sud, odnosno Apelaciono odjelenje Suda može uspostaviti odjele.

(2) Uspostava odjela uređuje se Poslovnikom o radu Suda, odnosno Apelacionog odjelenja Suda.

Član 27.

(Način rada)

(1) Sud, odnosno Apelaciono odjelenje Suda sude u vijećima sudija, osim ako je zakonom propisano postupanje sudske pojedinice.

(2) Ako drugim zakonom nije drugačije propisano, o redovnim i vanrednim pravnim lijekovima izjavljenim na odluke Suda odlučuje Apelaciono odjelenje Suda u vijeću sastavljenom od trojice sudija.

(3) Sastav vijeća utvrđuje se Poslovnikom o radu Suda, odnosno Apelacionog odjelenja Suda.

Član 28.

(Poslovnik o radu)

(1) Poslovnikom o radu definišu se pravila funkcionisanja Suda, odnosno Apelacionog odjelenja Suda u skladu s principom sudske autonomije, a posebno pravila po kojima se postupa na općoj sjednici i po kojima postupaju predsjednik, sudska odjeljenja, odjeli i službe kada postupaju u stvarima iz svoje nadležnosti.

(2) Prijedlog poslovnika iz stava (1) ovog člana predsjednik Suda, odnosno predsjednik Apelacionog odjeljenja Suda dostavlja općoj sjednici na usvajanje. Nakon usvajanja poslovnik se dostavlja na saglasnost Visokom sudskom i tužilačkom vijeću.

POGLAVLJE III – Sudska uprava i službenici Suda, odnosno Apelacionog odjeljenja Suda

Član 29.

(Sudska uprava)

Sudsku upravu u Sudu i Apelacionom odjeljenju Suda čine Kabinet predsjednika, Ured registrara i Sekretarijat.

Član 30.

(Kabinet predsjednika)

Kabinet predsjednika Suda, odnosno kabinet predsjednika Apelacionog odjeljenja Suda obavlja poslove podrške predsjedniku, a naročito poslove protokola, odnosa s javnošću, međunarodne saradnje i obavlja druge poslove u skladu s ovim zakonom i poslovnikom o radu.

Član 31.

(Ured registrara)

(1) Ured registrara je organizaciona jedinica sudske uprave nadležna za pružanje pravnih i stručnih podrških sudijama na predmetima iz nadležnosti Suda, odnosno Apelacionog odjeljenja Suda.

(2) Registrar u saradnji s predsjednikom Suda, odnosno predsjednikom Apelacionog odjeljenja Suda, rukovodi Uredom registrara i obavlja poslove u skladu s poslovnikom o radu.

(3) Registrara po provedenoj konkursnoj proceduri imenuje predsjednik Suda, odnosno predsjednik Apelacionog odjeljenja Suda.

(4) Za registrara Suda može biti imenovan diplomirani pravnik VII. stepena, odnosno 240 ECTS bodova po bolonjskom ciklusu studiranja, s položenim pravosudnim ispitom, koji ima najmanje šest godina radnog iskustva na pravnim poslovima nakon položenog pravosudnog ispita.

Član 32.

(Sekretarijat)

(1) Sekretarijat je organizaciona jedinica sudske uprave nadležna za obavljanje pravnih, administrativnih, materijalno-finansijskih i tehničkih poslova, neophodnih za funkcioniranje Suda, odnosno Apelacionog odjeljenja Suda.

(2) Generalni sekretar, pod nadzorom predsjednika Suda, odnosno predsjednika Apelacionog odjeljenja Suda rukovodi Sekraterijatom i obavlja poslove u skladu s Pravilnikom o unutrašnjoj organizaciji Suda, odnosno Apelacionog odjeljenja Suda.

(3) Generalnog sekretara po provedenoj konkursnoj proceduri imenuje predsjednik Suda, odnosno predsjednik Apelacionog odjeljenja Suda.

(4) Za generalnog sekretara može biti imenovan diplomirani pravnik VII. stepena, odnosno 240 ECTS bodova po bolonjskom ciklusu studiranja, s položenim pravosudnim ispitom, koji ima najmanje pet godina radnog iskustva u struci i odgovarajuće iskustvo na organizacionim poslovima nakon položenog pravosudnog ispita.

Član 33. (Zaposleni)

(1) Zaposlene, u smislu ovog zakona, pored registrara i generalnog sekretara, čine stručno sudsko, administrativno i pomoćno osoblje.

(2) Zaposlene, po provedenoj konkursnoj proceduri, imenuje predsjednik Suda, odnosno predsjednik Apelacionog odjeljenja Suda.

(3) Broj zaposlenih, sistematizacija radnih mјesta, opis poslova, ovlaštenja i odgovornosti, potrebna stručna spremna i drugi uslovi za zapоšljavanje u Sudu, odnosno Apelacionom odjeljenju Suda, se posebno propisuju Pravilnikom o unutrašnjoj organizaciji.

Član 34. (Stručno sudsko osoblje)

(1) Stručno sudsko osoblje čine stručni saradnici, pravni savjetnici – asistenti i pravni savjetnici.

(2) Stručno sudsko osoblje pomaže sudiji u njegovu radu, vrši analizu pravnih pitanja, priprema predmete za sudenje, piše nacrte odluka te obavlja, samostalno ili pod nadzorom i po uputama sudije, i druge poslove podrške neophodne za zakonito, blagovremeno i efikasno funkcioniranje odjeljenja, odnosno odjela sudova, u skladu sa zakonom i Pravilnikom o unutrašnjoj organizaciji.

Član 35. (Administrativno i pomoćno osoblje)

(1) Administrativno osoblje obavlja pravne, administrativne, informacione i materijalno-finansijske poslove, a pomoćno osoblje tehničke i ostale prateće poslove značajne za rad Suda, odnosno Apelacionog odjeljenja Suda.

(2) Propisi o pravima i obavezama zaposlenika u organima uprave Bosne i Hercegovine primjenjuju se i na administrativno i pomoćno osoblje u Sudu, odnosno Apelacionom odjeljenju Suda.

Član 36. (Ocenjivanje)

Ocenjivanje rezultata rada registrara, generalnog sekretara i zaposlenih u Sudu, odnosno Apelacionom odjeljenju Suda, jednom godišnje vrši predsjednik Suda, odnosno predsjednik Apelacionog odjeljenja Suda.

**Član 37.
(Odgovornost)**

Zaposleni u Sudu, odnosno Apelacionom odjeljenju Suda su odgovorni za povredu službenih dužnosti u skladu s propisima o radnim odnosima koji se primjenjuju na zaposlenike i državne službenike u institucijama Bosne i Hercegovine.

**Član 38.
(Plate)**

(1) Plate i naknade i odredena materijalna prava registrara, generalnog sekretara i stručnog sudskog osoblja utvrđeni su Zakonom o platama i drugim naknadama u sudskim i tužilačkim institucijama na nivou Bosne i Hercegovine („Službeni glasnik BiH“, br. 90/05, 32/07 i 77/20).

(2) Plate i naknade administrativnog i pomoćnog osoblja utvrđene su Zakonom o platama i naknadama u institucijama Bosne i Hercegovine („Službeni glasnik BiH“, br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 94/16, 72/17, 25/18, 32/20 i 65/20).

**Član 39.
(Kriteriji za određivanje broja zaposlenih)**

(1) Visoko sudska i tužilačko vijeće Bosne i Hercegovine propisuje kriterije za određivanje ukupnog broja zaposlenih u Sudu, odnosno Apelacionom odjeljenju Suda koji je potreban za blagovremeno i efikasno obavljanje poslova.

(2) Pravilnik o unutrašnjoj organizaciji i sistematizaciji radnih mjeseta u skladu s kriterijima iz stava (1) ovog člana donosi predsjednik Suda, odnosno predsjednik Apelacionog odjeljenja Suda.

**Član 40.
(Personalna evidencija)**

Za zaposlene u Sudu, odnosno Apelacionom odjeljenju Suda vodi se personalna evidencija, u skladu s Uputstvom o sadržaju, načinu vodenja i čuvanja personalnih dosjea zaposlenih koji donosi predsjednik Suda, odnosno predsjednik Apelacionog odjeljenja Suda.

**Član 41.
(Sudijski pripravnici)**

(1) Za pripravnika može biti primljen na praksi diplomirani pravnik VII. stepena, odnosno 240 ECTS bodova po bolonjskom ciklusu studiranja, koji ispunjava opće uslove propisane Zakonom o radu u institucijama Bosne i Hercegovine („Službeni glasnik BiH“, br. 26/04, 7/05, 48/05, 50/08, 60/10, 32/13 i 93/17).

(2) Pripravniku se postupno dodjeljuju sve vrste poslova radi sticanja praktičnog iskustva.

(3) Pripravnik se zapošljava na određeno vrijeme do sticanja uslova za polaganje pravosudnog ispita, a najduže dvije godine, na način propisan Odlukom o uslovima i načinu prijema

pripravnika VII. stepena stručne spreme u radni odnos u institucije Bosne i Hercegovine („Službeni glasnik BiH“, br. 52/05, 102/09 i 9/15).

(4) Radi stručnog osposobljavanja za samostalan rad, Sud, odnosno Apelaciono odjeljenje Suda može bez zasnivanja radnog odnosa primiti diplomiranog pravnika VII. stepena, odnosno 240 ECTS bodova po bolonjskom ciklusu studiranja, u skladu s odredbama odluke iz stava (3) ovog člana, koje se odnose na volontera.

(5) Broj sudijskih pripravnika kao i uslovi za zapošljavanje, utvrduju se Pravilnikom o unutrašnjoj organizaciji, a izbor se obavlja na osnovu javnog konkursa koji objavljuje predsjednik Suda, odnosno Apelacionog odjeljenja Suda.

POGLAVLJE IV – Zaštita tajnih podataka

Član 42.

(Povjerljivost)

Sudije i službenici Suda, odnosno Apelacionog odjeljenja Suda dužni su čuvati u tajnosti sve što u toku svog rada saznaju o učesnicima u postupku i o pravnim i činjeničnim okolnostima njihovog predmeta, te su dužni čuvati kao povjerljive podatke koji nisu dostupni javnosti.

Član 43.

(Službena tajna)

(1) Sudije i službenici Suda, odnosno Apelacionog odjeljenja Suda dužni su čuvati službenu tajnu, bez obzira na način na koji su je doznali.

(2) Pod službenom tajnom podrazumijevaju se naročito:

- a) svi podaci koji su kao službena tajna određeni zakonom ili drugim propisom;
- b) svi podaci koji su kao službena tajna određeni općim aktima državnih organa, pravnih lica i drugih institucija;
- c) podaci i isprave koji su posebno određeni kao službena tajna od državnih organa, pravnih lica i drugih institucija;
- d) podaci i isprave koje je kao službenu tajnu odredio predsjednik Suda, odnosno predsjednik Apelacionog odjeljenja Suda ili ovlašteni službenik Suda, odnosno Apelacionog odjeljenja Suda.

(3) Obaveza čuvanja službene tajne traje i nakon prestanka rada u Sudu, odnosno Apelacionom odjeljenju Suda.

(4) Predsjednik Suda, odnosno predsjednik Apelacionog odjeljenja Suda ili drugo lice koje on ovlasti može sudiju ili drugo zaposleno lice ili sudskog tumača ili vještaka, osloboditi obaveze čuvanja službene tajne ako u pojedinom slučaju za to postoje opravdani razlozi.

(5) Odluku o oslobođanju obaveze čuvanja službene tajne za predsjednika Suda, odnosno predsjednika Apelacionog odjeljenja Suda donosi Opća sjednica Suda, odnosno Apelacionog odjeljenja Suda.

DIO PETI – NADLEŽNOST MINISTARSTVA PRAVDE BOSNE I HERCEGOVINE

Član 44.

(Nadležnost Ministarstva pravde)

(1) Ministarstvo pravde u okviru sudske uprave ima sljedeće nadležnosti:

- a) izrada nacrtu zakona i drugih propisa;
- b) prati primjenu ovog zakona i drugih propisa koji se odnose na organizaciju i rad Suda, odnosno Apelacionog odjeljenja Suda;
- c) prikuplja statističke i druge podatke o radu Suda, odnosno Apelacionog odjeljenja Suda;
- d) prati obavljanje poslova sudske uprave;
- e) druge poslove predviđene ovim ili drugim zakonom.

(2) Sud, odnosno Apelaciono odjeljenje Suda dužno je dostaviti Ministarstvu pravde sve tražene podatke koji su potrebni za vršenje nadležnosti iz stava (1) ovog člana.

(3) Ministarstvo pravde vrši svoje dužnosti na način koji osigurava nezavisnost Suda, odnosno Apelacionog odjeljenja Suda i ne smije na bilo koji način utjecati na rad sudova u vezi s pojedinačnim predmetima.

Član 45.

(Nadzor nad sudskačkom upravom)

(1) Nadzor nad pravilnim obavljanjem poslova sudske uprave obavljaju ovlašteni upravni inspektorji Ministarstva pravde.

(2) U vršenju nadležnosti iz poslova sudske uprave Ministarstvo pravde saraduje i dostavlja sve informacije Visokom sudsakom i tužilačkom vijeću.

Član 46.

(Sudska policija)

Sudska policija Bosne i Hercegovine pruža pomoć Sudu, odnosno Apelacionom odjeljenju Suda i izvršava druge naloge sudova u skladu sa Zakonom o Sudskoj policiji Bosne i Hercegovine („Službeni glasnik BiH“, br. 3/03, 21/03 i 18/13) i podzakonskim aktima donesenim na osnovu tog zakona.

Član 47.

(Pritužbe na rad sudija)

Pritužba protiv sudije ili predsjednika Suda, odnosno sudije ili predsjednika Apelacionog odjeljenja Suda koju fizičko ili pravno lice uputi Ministarstvu pravde se bez odgađanja dostavlja Visokom sudsakom i tužilačkom vijeću na daljnje postupanje.

DIO ŠESTI – FINANSIRANJE RADA SUDA I APELACIONOG ODJELJENJA SUDA

Član 48.

(Sredstva za rad)

(1) Bosna i Hercegovina je obavezna osigurati finansijsku i svaku drugu podršku kako bi se osiguralo nesmetano i efikasno funkcioniranje Suda, odnosno Apelacionog odjeljenja Suda.

(2) Sud, odnosno Apelaciono odjeljenje Suda ima svoj budžet, koji je sastavni dio budžeta institucija Bosne i Hercegovine i međunarodnih obaveza Bosne i Hercegovine.

Član 49.

(Budžet)

(1) Prije početka svake budžetske godine predsjednik Suda, odnosno predsjednik Apelacionog odjeljenja Suda podnosi prijedlog budžeta Visokom sudskom i tužilačkom vijeću radi davanja mišljenja.

(2) U skladu s mišljenjem Visokog sudskog i tužilačkog vijeća Sud, odnosno Apelaciono odjeljenje Suda mogu izmijeniti prijedlog budžeta, te konačni prijedlog dostavljaju Ministarstvu finansija i trezora Bosne i Hercegovine zajedno s mišljenjem Visokog sudskog i tužilačkog vijeća.

(3) Predsjednik Suda, odnosno predsjednik Apelacionog odjeljenja Suda ima pravo prisustvovati i zastupati svoje prijedloge na sjednicama Parlamentarne skupštine Bosne i Hercegovine i odgovarajućih komisija Parlamentarne skupštine Bosne i Hercegovine kada se vodi rasprava i odlučuje o pitanjima budžeta koja se odnose na Sud, odnosno Apelaciono odjeljenje Suda.

(4) Predsjednici su zaduženi za pripremu i izvršavanje budžeta Suda, odnosno Apelacionog odjeljenja Suda.

(5) Na kraju svake budžetske godine predsjednik Suda, odnosno predsjednik Apelacionog odjeljenja Suda izvještava Parlamentarnu skupštinu Bosne i Hercegovine o izvršavanju budžeta.

DIO SEDMI – PRELAZNE ODREDBE

Član 50.

(Kontinuitet rada Suda)

(1) Sud nastavlja raditi u kontinuitetu.

(2) Predsjednik Suda, sudije i zaposleni u Sudu zadržavaju sva prava stečena prije stupanja na snagu ovog zakona.

(3) Predsjednik ili sudija Suda ima pravo prijaviti se na konkurs za upražnjeno mjesto sudije Apelacionog odjeljenja Suda i ako bude imenovan, zadržava status u skladu s ranijom pozicijom do dana određenog u Odluci o početku rada Apelacionog odjeljenja Suda.

(4) Sudija Suda koji bude imenovan za sudiju Apelacionog odjeljenja Suda ne može postupati u predmetima u kojima je odlučivao u prvom stepenu.

(5) Na dan odreden u Odluci o početku rada Apelacionog odjeljenja Suda prestaje s radom Apelaciono odjeljenje, a suci i zaposleni zadržavaju sva stečena prava u Sudu.

(6) Predsjednik Apelacionog odjeljenja Suda može sporazumno s predsjednikom Suda preuzeti zaposlene uz njihovu saglasnost, na istu ili sličnu poziciju koju to lice ima u Sudu.

Član 51.
(Obezbjedenje uslova za početak rada Apelacionog odjeljenja Suda)

(1) Ministarstvo finansija i trezora Bosne i Hercegovine će najkasnije u roku od tri mjeseca od dana stupanja na snagu ovog zakona osigurati potrebne materijalno-finansijske uvjete za početak rada Apelacionog odjeljenja Suda u privremenom sjedištu.

(2) Ministarstvo finansija i trezora Bosne i Hercegovine će najkasnije u roku od šest mjeseci od dana stupanja na snagu odredbe iz člana 3. stav (2) ovog zakona osigurati potrebne materijalno-finansijske uslove za početak rada Apelacionog odjeljenja Suda u sjedištu određenom tim zakonom.

(3) Nakon što se ispune materijalno-finansijski uslovi i kadrovska popunjenošć iz stava (1) ovog člana, Visoko sudsko i tužilačko vijeće će donijeti Odluku o početku rada Apelacionog odjeljenja Suda čiji će sastavni dio biti i odredba o ispunjenosti uvjeta za početak rada u privremenom sjedištu.

(4) Nakon što se ispune materijalno-finansijski uvjeti i kadrovska popunjenošć iz stava (2) ovog člana, Visoko sudsko i tužilačko vijeće će donijeti Odluku o početku rada Apelacionog odjeljenja Suda čiji će sastavni dio biti i odredba o ispunjenosti uvjeta za početak rada u sjedištu određenom tim zakonom.

(5) Odluke iz st. (3) i (4) ovog člana se objavljuje u „Službenom glasniku BiH“.

Član 52.
(Izbor sudaca Apelacionog odjeljenja Suda)

(1) Visoko sudsko i tužilačko vijeće dužno je u roku od 60 dana od dana stupanja na snagu ovog zakona donijeti odluku o potrebnom broju sudija u Apelacionom odjeljenju Suda.

(2) Visoko sudsko i tužilačko vijeće dužno je u roku od 60 dana od donošenja odluke o potrebnom broju sudija provesti proceduru izbora i imenovanja predsjednika, a u dodatnom roku od 60 dana, izbor i imenovanje sudija Apelacionog odjeljenja Suda.

(3) Izbor predsjednika i sudija Apelacionog odjeljenja Suda provodi se po konkursnoj proceduri propisanoj Zakonom o Visokom sudskom i tužilačkom vijeću Bosne i Hercegovine, pod istim uslovima koji se odnose na imenovanje predsjednika i sudija Suda.

(4) Na mandat sudija i predsjednika Apelacionog odjeljenja Suda primjenjuju se odredbe Zakona o Visokom sudskom i tužilačkom vijeću Bosne i Hercegovine koje regulišu mandat sudija i predsjednika Suda.

(5) Predsjednik Apelacionog odjeljenja Suda će početi s radom danom stupanja na snagu odluke o početku rada Apelacionog odjeljenja Suda.

Član 53.
(Plate i naknade u Apelacionom vijeću Suda)

(1) Radi utvrđivanja plata, naknada i drugih primanja za predsjednika, sudije i stručno osoblje u Apelacionom odjeljenju Suda, Ministarstvo pravde će dostaviti u proceduru usvajanja načrt

zakona o izmjenama i dopunama Zakona o platama i drugim naknadama u sudskim i tužilačkim institucijama na nivou Bosne i Hercegovine.

(2) Do stupanja na snagu izmjena zakona iz stava (1) ovog člana, za predsjednika, sudije i stručno osoblje u Apelacionom odjeljenju Suda primjenjivat će se isti uslovi kao i za predsjednika, sudije i stručno osoblje u Sudu.

Član 54.
(Ocenjivanje)

(1) Rezultati rada sudija i predsjednika Suda i sudija i predsjednika Apelacionog odjeljenja Suda ocjenjuju se jednom godišnje u skladu s kriterijima i u proceduri koju utvrdi Visoko sudsko i tužilačko vijeće.

(2) Kriteriji iz stava (1) ovog člana su dostupni nosiocima pravosudne funkcije.

(3) Ocjenjivanje rezultata rada sudija vrši predsjednik Suda, odnosno predsjednik Apelacionog odjeljenja Suda.

(4) Ocjenjivanje rezultata rada predsjednika Suda, odnosno predsjednika Apelacionog odjeljenja Suda vrši Visoko sudsko i tužilačko vijeće Bosne i Hercegovine.

Član 55.
(Uređivanje unutrašnje organizacije i sistematizacije u Sudu
i Apelacionom odjeljenju Suda)

(1) Visoko sudsko i tužilačko vijeće dužno je u roku od 30 dana od dana donošenja odluke o potrebnom broju sudija u Apelacionom odjeljenju Suda utvrditi kriterije za određivanje ukupnog broja zaposlenih u Apelacionom odjeljenju Suda.

(2) Predsjednik Apelacionog odjeljenja Suda dužan je u roku od 30 dana od dana preuzimanja dužnosti na osnovu kriterija iz stava (1) ovog člana donijeti pravilnik o unutrašnjoj organizaciji i sistematizaciji radnih mesta, a predsjednik Suda će uskladiti važeći ili donijeti novi pravilnik.

Član 56.
(Rješavanje predmeta)

(1) Predmete iz nadležnosti Apelacionog odjeljenja Suda primljene u rad kod Apelacionog odjeljenja, preuzet će Apelaciono odjeljenje Suda.

(2) Primopredaju predmeta iz stava (1) ovog člana izvršit će predsjednik Suda i predsjednik Apelacionog odjeljenja Suda u roku od 30 dana od dana stupanja na dužnost predsjednika Apelacionog odjeljenja Suda.

(3) Predsjednik Apelacionog odjeljenja Suda dužan je bez odgađanja osigurati nesmetan rad na predmetima u skladu s ovim i drugim zakonima.

DIO OSMI – ZAVRŠNE ODREDBE

Član 57.

(Izmjene drugih zakona)

(1) Ministarstvo pravde će u roku od 90 dana od dana stupanja na snagu ovog zakona dostaviti u proceduru usvajanja nacrt zakona o izmjenama i dopunama Zakona o Visokom sudsakom i tužilačkom vijeću Bosne i Hercegovine, kojim će propisati uslove za imenovanje i mandat predsjednika i sudaca Apelacionog odjeljenja Suda.

(2) Ministarstvo pravde će u roku od 90 dana od dana stupanja na snagu ovog zakona dostaviti u proceduru usvajanja nacrt zakona o izmjenama i dopunama Zakona o platama i drugim naknadama u sudsakim i tužilačkim institucijama na nivou Bosne i Hercegovine kojim se utvrđuju plate, naknade i druga primanja za sudije i stručno osoblje u Apelacionom odjeljenju Suda.

Član 58.

(Podzakonski akti)

Podzakonske akte potrebne za provođenje ovog zakona nadležne institucije donijet će ili postojeće uskladiti s ovim zakonom u rokovima utvrđenim ovim zakonom, a do tada će se primjenjivati postojeći akti ako nisu u suprotnosti s ovim zakonom.

Član 59.

(Prestanak važenja Zakona)

(1) Stupanjem na snagu ovog zakona prestaje važiti Zakon o Sudu Bosne i Hercegovine – Prečišćeni tekst („Službeni glasnik BiH“, br. 49/09, 74/09 i 97/09).

(2) Izuzetno od odredbe stava (1) ovog člana odredbe čl. 9., 10., 13., 16., 20. i 23. Zakona o Sudu Bosne i Hercegovine – Prečišćeni tekst („Službeni glasnik BiH“, br. 49/09, 74/09 i 97/09) važe do donošenja odluke o početku rada Apelacionog odjeljenja Suda Bosne i Hercegovine.

Član 60.

(Stupanje na snagu)

Ovaj zakon stupa na snagu osmog dana od dana objave u „Službenom glasniku BiH“.

PS BiH, broj _____ /24

_____ 2024. godine

Sarajevo

**PREDSJEDAVAJUĆI
Predstavničkog doma
Parlementarne skupštine BiH**

**PREDSJEDAVAJUĆI
Doma naroda
Parlementarne skupštine BiH**